

Yakop

¹ Yakop, na Anutu so Waom Yesu Kristo wane qelit n̄ei, non̄o Anutu wane n̄ei n̄erep, Israel magu 12, din bun wiri yeo yeo kepe banem korop ge arimami, n̄inane kibi iwa qewe paki kaiwe maine n̄ibonmaile.

Mali Malip So Dereret

² Kimakopne! N̄inano liwe liwek so umat kine mane kine mane korop wakon̄ungi detpi wet peseinerop okaniake. ³ Onoka wane n̄ine mo detmami, kine kine yalinen̄o mali malip̄n̄ine ma liwekka okan kamageki n̄adino maki n̄inano weleine togole togole wakongi togole more wikile kauk̄kei. ⁴ N̄inano togole togole wane weleine wakon̄luke more kauk̄n̄une numa kirop yewa ariki, n̄ine Anutu wane numa kine kine mane wane mi n̄an̄aekei, midakaka, n̄ine maine sot midaine so wet kunenen̄ geu kopke ulukeake. ⁵ N̄o n̄inano n̄ine manen̄o dereret suaine zuan̄gi paki en̄e Anutu maine men̄enkaki on̄o ban̄ mawakone n̄eboniake, onoka wane Anutu qomine raraine, don kutne mi n̄edan okan maiken̄o wet maepkoka korop ma wakone n̄ebon okanmaike. ⁶ N̄o n̄ine men̄enkaikei wane okane, Waom detlukka malipka more men̄enkaikei, wet etkeka okane more mida, n̄o mane en̄e wet etkekao men̄enkayakeo yemo, kiwetko dibom̄n̄o teweke sari kalan̄ango rasi pokki momon̄o puangi mida lele arimaik̄e, en̄ane men̄e men̄enine rokop

yale waka okaniake. ⁷ Neï yaline eñe Waom wano ñine kine kine mane mayakane bañ maikale, ea mo misuk desiake. ⁸ Eñe wetine loutne wiri yeo yeo pamaïke, numa weku mogare kine kine korop mi okan mageake.

Neï Ketkele Wanap So Aboñ Gorop

⁹ Doku tau tau ketkele mane eñe Anutño mawa birakayakane wetpesek desiake. ¹⁰ No doku tau taune ñei mane aboñine suaine, eñe bañ Anutuño maket birakayake, ea wane detki wetine pesake, onoka wane, ñei aboñene suaine, simileine manerop detlukmami, eñe bañ eki zurauneño posi buratke ket okanmaïke, yale seuke mida leleake. ¹¹ Kepe deïneño saki paki sarainane gereuneño eki yewa kukusulungi zokone zuraune ea buratke qake ketki kibi maepine siuke, mida lele okanmaïke, rokop yalewaka ñei aboñ suaine eñe urataine mage more gegeine mi ge kirowone kebago zokone seuke buratke qake ket mida leleake.

Liwe Liwek Wane Don

¹² No ñei mane eñe liwe liwek so umat kine kineo togogle okorayake, eñe wet pesek desiake, onoka wane, eñe togogle mage liwe liwek ea yuanka waremaïke, ea wane lewine eñe bañ gege togon wane marok kibi maepkorop yewa mayake, eamo Anutuño ñei wetene eñano motpi paki wetmaep okanka okanmami, eñane biñek qeke. ¹³ Neï mane eñe borikine yalïneño liwekkaki, iwa yale misuk rayake, “Liwe liwek iwa Anutu wanonine sarimaïke.” Borikïneño Anutu maine mi liwekkayake, so Anutu oñom ñei mane borikine mayakane mi liwekkayake.

Ea midakaka! ¹⁴ Njo nei mane ene liwe liwekno liwek kamaike, yemo enine wetnejo borikine mayakane bailalan wetke tebaka gemageki liwekka okanmaike, ¹⁵ enine wetinejo bailalan wetke mage mageki, yewano natke more medep mamaike, yemo enetine borikine, eso borikinejo sua ariki paki medep mamaike, yemo enetine seu seu.

¹⁶ Kima maepkopne njine misuk dere siuke more isinagukei. ¹⁷ Asu wane abonj kine kine maine, so Asu bakom kine kine qelananerop yemo qeliwo njine sari okanmaike, eamo Anutu, qeli qelanan, ma wakon ma wakon welaine, enano njine sari okanmaike, enano main qein me qe kupkeki panaman wako wakon eamo mi pamaike. ¹⁸ Anutu ene enine wetinane don welenjo nei nerewekoune ma wakonjonge, nei doku tau tau magu njene magak okane, alakane nei so kine kine natne korop ma wakonge, enane keueno numa maikenane yale okanjonge.

Don Dere Teweke Okanikene

¹⁹ Kima maepkopne, njine iwa detpi! Nei korop njine don dereret wane yemo ikopka ewek warekei, no don rara so sot osi osi wane yemo dere umarekei. ²⁰ Nei mane sot osi osijo Anutu wane masi tanik koboboine yewa mi maratka more ma sorokka okanmaike. ²¹ Ea wane njine njidom tanik kine kine diinerop so qegun magun oka okan, yewa korop mapapka warekei, paki Anutu wano ketluke bororom ge more miti don koto njino mot okanmaike, ea ma nogankaikei, eano onja onjajine maine ma menanjayake.

²² Anutu wane miti don ketņinenņoka dere koto ņine misuk isikaikei, ņine dere more wele koto ņine wetkeu, waketki dere teweke urataine mog-are maikei. ²³ ņei mane eņe miti don desiake ņo dere mi ma nogankayake, eņe yemo ņei manenņo wikingo ma kaitine daleo ea aeke kamaike, eņe yale. ²⁴ Eņe kaitine wikingo aek luluk wareki paki qelige arimaike, pakimo mi azongi eaka kaitine nigetkamaike. ²⁵ ņo ņei mane eņe rara togon don wele, ņei siwotongi mayakatne gege, don ea kaululukka detluke, takorakot malipka mage-maike, paki yaup dere qewolonņ mi okanmaike, eņe dere tewek okanmaike, ņei yewa eņe yale okanmaikane, Anutņo baņ mosop kayake.

²⁶ ņei mane eņe eņinane detki miti inerop okanmaike me? ņei yewa eņe belakaminane diamine mi maki paki ma walukkayake, yemo ņei ea wane miti magegeine eamo wele midaine okaniake, paki eņe oņomka kotine isikayake. ²⁷ Anutu Mag-akņo mitirop koto libeka, sot midaine gege wane detmaike yemo iwa yale, madu wanap so kosi mala, wikile wakile kutno wet borik geu, ware one kito qesiņ ebukei, so kepeo borikine pamaike, eaņo koto ņine maki sigileakane diamņine ma warenagu gekei.

2

ņei Abonņ Midaine So Abonņorop Rokop Wekuka Okan Onikene

¹ Nanane kimakopne! ņine Waomze Yesu Kristo detlukka malipka gemami, eņe Waom ewe zonominerop, ea wane ņine ņei gume tanikene

didiwo ea onbi paki ea wane rokopko tanik kine mane, ŋo mane tanik mane yale yau yaup misuk okan onikei. ² Ŋei mane aboŋine suaine eje ŋamot goliŋo mamaine, maki waki takot kibi kibi biraki paki ŋinane lewa lewago sariake, eso ŋei mane aboŋine midaine, eje yaleka laplap bara warakine ramu more lewa lewaŋŋino sariake. ³ Pakimo ŋine ŋei aboŋ mayakatne au sarike, eje manerop ewine kitou paki olale raikei, “Met met bile diinne midaine, libeka iwao pese metnom,” ŋo ŋei aboŋine midaine eje yemo olale raikei, “Ge yemda okoranom, me iwa ket sura wetko yaup pese metnom.” ⁴ Ŋine masi yale okangeiwo yemo, ŋine sot korop okane more ŋidomka keuŋino mapo mapok ma wakonikei, so wetŋino wano wanok gotkoine ma wakonikei.

⁵ Kima maepkopne, ŋine detpi! Anutuŋo kepe iwao ŋei wanap, aboŋene, midadaine gemami, eje mali malipenane Asu wane morian marat kau paki Anutu wane gege togon yewa wane welaine okane gekeiwane ma wesak one more eŋane simile dere wetmaep okanka okanmami, eŋane binjek qeke. ⁶ Ŋo ŋine yemo wanap, aboŋene midaine eje ma ket biraone ewe mabaik okan onmami! Deo edo umat kutŋino more ŋibu tebaŋune wano wanok ŋei eŋane kaitko dongo biranun okanmami? Ŋei aboŋene suaine edo dongo biranun okanmami. ⁷ Ŋei yewa edo Yesu Kristo eŋet maepine maine ŋibonge, ea ra mabaikka okanmami.

⁸ Ŋine qeli ŋei waom wane Rara Togon Don magaine Anutu wane Papiao pamaik, ea teweke magekei, yemo ŋine masi maine okanikei, iwa

yale, “Geŋonane simin ganmaike, yalewaka ki-
maŋonane simin ganiake.” ⁹ No ŋine ŋei gume
tanikene didiwo onbi paki ea wane rokopko kine
kine yuan qewan okan onikeiwo, yemo ŋine
borikine mau paki sot korop okanmami, wane
rara togon donŋo ŋinane kine qeu wakonmaike,
yemo ŋine rara togon don qe barakmami. ¹⁰ Ŋei
mane eŋe Rara Togon Don korop tewek wareki
paki weku yeine qeligeake, eŋe Rara Togon Don
korop qe yuan waremaike so qe barakwareki
paki, sot korop okanmaike. ¹¹ Anutu oŋom rake,
“Ŋao ŋanom ŋire misuk qeliŋnagukeik,” oŋomka
koso rake, “Ge ŋei misuk qem seukeake.” Ge
ŋanom ŋone mi qeliŋ kaikene ŋo siluŋ ge ŋei
mane qem seukmaikeo yemo ge Rara Togon Don
qe barake more yuangene. ¹² Rara Togon Donŋo
ŋei siwotongi, yaup sot midaine gege yewaŋo ŋei
kineene baŋ ma wakoniake, ea wane ŋine don
detluka don koboboine raikei so masi koboboine
okangei. ¹³ Ŋei mane eŋe kimaine mi sesekakeo,
yemo Anutuŋo kineine mawakoniake, yewao eŋe
mi sesekayake, ŋo sesekakeŋo yemo kine ma
wakon ma wakon nasoo togole don yuaniake.

Mali Malipka Wele Midaine Eamo Kine Kine Yauwine

¹⁴ Kimakop! Ŋei maneho rayake, “Na mali
malipne pamaike.” No mauluk mauluk urataine
yemo mi mayake, pakimo mali malip yewaŋo
maine mapikkayake me? I midakaka! ¹⁵ Ŋine
kimakopŋine me kiarokop ŋine, eŋe takot laplap
wane ŋaŋaekai so ŋara wane seukkei, ¹⁶ ŋo ŋine
mayakatne iwa yale edanikei, “Anutuŋo mosop

ņungep! Takotņine birau ket gerewe ņuniake, so ņara mauluke nekei!” Ge takot laplap so ņara mi ebonnom paki don ņoneņoka ra edannom maine mapik oniake me? ¹⁷ Eso yalinane mali malip eņineka mageu mi menageake. Mali malip eņineka payake, so urataine maki weleine masi tanik maineņo mi wakoniakeo, yemo mali malip yewa, eamo seu seune so wele midaine.

¹⁸ No ņei natneņo iwa yale mane raikei, “ņei mane mali malipine pamaike, ņo ņei maneņo yemo mauluk mauluk urata main maine mamaike,” don ea wane turuņine naņano ņine yemo iwa yale, “Na sikan nannom, ņei yewa eņe mauluk mauluk urata maki wele maine mi wakon maikenņo daleo mali malip korop geake? Na mali malipnane kine yemo baņ urata mamane, so tanik manikneņo sikan ganiake.” ¹⁹ ņine Anutu wekuku gemaike ea mo malipka more detlukmami me? Weku mane, asu qotkoine eņe yaleka malipka okanmami, so kaetongi qise okanmami. ²⁰ ņine qelaņ! ņine mali malip wane urataine ma more wele maine mi maratka maratka eamo mi oka okane, ea wane kine desikei wane ņunmaike me? Eso yemo iwa yale. ²¹ ņaboņine Abraham, eņe sogino daleo okane more Anuturop weneņ weku okange? Eņe tanik manik maine okange, so gipole Isak ma more aratao Anutu wane soe soep qe misi-akane okange, eņe yale okangi, Anutuņo eņe ņei koboboine orake. ²² ņine ea mo detmami me? Eņine wetineņo malipka more metineņo urataine rokop weku orodonka makoik, metineņo urata tingo deņo kaka ea ma okangi, eaņo maki mali

malipine weku mane okange. ²³ Pakiso Anutu wane Papiao iwa yale ramaike ea wane wele wakonge, “Abramņo Anutu detlučkake, so mali malipinane Anutuņo detkaki koboboine okange.” Pakiso Anutuņo Abram kimaine orake. ²⁴ Njine mo detmami, ‘Nei mane mali malipinaneka, Anutuņo koboboine mi oreyake, nej mali malipinerop so urata mamaine so masi tanikine koboboine ea wane Anutu eņe nej koboboine orayake.

²⁵ Rokop yewaka bailalaņ njerep, Rahab eņe Yuda nej etke Yosua aņaine teweke ariuk, Yeriko edo njabaore etkukei wane okanbi eņe kima epu more eņine matko biraotki paki wareotke, eņe masi maine okange, so koso numa maneoka sanko biraotki siuke arikoik, ea wane Anutuņo eņane detki menaņe, paki eņe ma more Anutu eņine osino birakake. ²⁶ Eso iwa yale, sola Asu midaine, yewa mo seu seune, so rokop yale waka mali malipka eņe wele midakaka, so urataine midadaine, nej ea wane mali malip eņe mo seuke.

3

Belakamze Mauluke Warekaikene

¹ Kimakopne! Njananoņine loutneņo kito ebo ebon misuk okanikei, onoka wane njine mo detmami, kito ebo ebon njene korop baņ wano wanok nejņo wanokņongi paki kineze ma wakone turuņine zok manerop umatne njeboniake, nj natne yauwine eņe yemo ewekine okanoniake. ² Njene koropņo naso baņem mo masi qotkoine okanmaine, nj nej mane eņe don raraine eao qotkoine mane mi mamaikē, ea weku mane, nej yalinenņo maine wet dereret so sola korop

warekaki mayakatneka pamaike. ³ Nene horsiŋo donze dere aŋaze tewekeakane ŋetko kiki horsi mane wane aŋaino mot okanmaine, eso ŋene maine maŋem numa diawao ariakane wetkemaine, eaka arimaike. ⁴ Me seki mane wane detpi, seki eŋe zok suaine, wane momo togogole ŋo qe modatki kiwetko arimaike, wiliŋaine nigagatne, wane seki welaine eŋe numa diawao ariakane wetkemaikene, eaka seki wiliŋaine maingeki arimaike. ⁵ Eso belakam wane rokop eŋe wekuka pamaikene, eŋe sola korop ea wane sisineine nigagatne, ŋo eŋe solaze kakapa suaine ea wane aŋaŋe zok bokaka okanmaikene, so eŋine detki wawaine manerop okanokanmaikene.

Ŋine gerep ea detkau, eŋe nigagatne, ŋo siluŋ tobo suaine ea zeki paki qe solokki midamaikene! ⁶ Eso belakam eŋe gerep yale, eamo borikine kine kine ea wane nagaine, eao borikine ŋo mat urum solazo mawareki paki waetne motki solaze so wetze so dereretze korop rokopkemaikene, eaŋo gegezane qesiŋ ea korop kiwakki lawe zemaikene, gerep eamo sora gerep eŋino ŋine sarimaikene, yewaŋo puangi zemaikene. ⁷ Nei eŋe osom natne zubaine maine ma peseoniaikene, osom zubaine so naŋi, koma so zawon, eŋe yale okane more eŋine bango biraone more oŋom wareoniaikene. ⁸ Ŋo siluŋ nei maneŋo belakanmine maine mi ma pesekakene, eamo borikine so maine mi ma walukkaikene, seu seu wane soa so zonom borikineŋo watke pamaikene. ⁹ Nene belakam yewaŋo Waom so Magaze ewine kito okanmaine, so belakam yewaŋoka nei kimakopze Anutu eŋine kaittoqaine yale ebuke eŋe soakon okanmaine. ¹⁰ Bakom kito kito don so

soa don ere aña wekuo ñineka saket okanmamik, kimakop masi iwa misuk wakonikei! ¹¹ Doku deine wekuo ñineka doku simile so tabaine ere maine mi sakesikeik. ¹² Kimakop, ñalok eki maneo wele nemuyap mi qeake; waij mulap maneo wele ñalok mi qeake, kiwetño qein ge doku simile momoine mi okaniake.

Dereret Maine Yemo Wetinjine Sarimaike

¹³ Ninane keujino ñei mane wetine lolotne, so dereretinerop gemaik me? Ñei mane wetine lolotne so dereret korop geakeo, eje gegeine mayakatne, wawaine midaine wetne pesekakatne so wetlot korop geake, ge more wetlot korop so dereret korop ea wane kine sikan ongi ñei eje kaikei. ¹⁴ No wetñone kotino sori sorin, sot osi osi so bonep nugunge more nema oka okan payakeo, ge solañone misuk mawa kaikene paki, isi don ra more don welekatne ea ñabakaikene. ¹⁵ Dereret yaline eamo weti qeliwoñine mi sarimaike, eamo kepe wane biñek, ñeiwoñine so satan wanoñine. ¹⁶ Sori sorin so nugu nugin payake, yewao dinbun wiri wiri so borikine kineline korop yaleka wakone payake. ¹⁷ No wet dereret weti qeliwoñine sarimaike, yemo korop libe libe, so peam gorop, pesekine, so kima kima, wet borikño watke pa more kito motki wele tanik manik maine ea wakongi, wet ea mau paki ñei ñerep korop tanik wekuka okanonikei, so isi me mawa mawaine misuk okanikei. ¹⁸ Ñei pesekine gemami, eje peam wane waetne ebotpi weleine koboboine gege, ea wakone ebon okanmaike.

4

Kepe Abonj Kima Okanka Okanka

¹ Naba so tebe kawali keunjino pamaike, ea kine diao njine sarimaike? Eamo njinjine gom riwenjineane similejo waranjaki solanjine korop rokopke more kawali ma okanmaike. ² Njine kine kine ma gekeiwane simile njunmaike, no siluj mi ebu ge okanmami, eso njine mo kawali maikai wane ewek okanmami, njine kine kine magekei wane qomnjine zok manerop riwe okanmaike, no siluj njine ea mi ma okanmami, eso njine mo ea njaba okan nagu more kawali ma okanmami, njine kine kine ea wane rau paki, Anutu mi mejenka okanmami ea wane. ³ So njine mejenkau paki wele mi maratka okanmami, yemo onoka wane mida, njine wetnjinejo don qotkoine wetke ge okanmami, njine njinjine solanjine qesinjakaiki waneka dere mejenka okanmami. ⁴ Yai, siwa siwap me tako rakot kita kitat nei! Njine kepe wane tanik manik korop kima makei, eajo Anutu wane njabaine, njine ea mi detmami me? Mane eje kepeo kine kine korop pamaike, ea kima okanka waremaike, eje Anutu wane njabaine okaniake. ⁵ Njine iwa yale misuk desikei, Anutu wane Papijo don pamaike iwamo don yauwine, don iwa yale ramaike, "Asu Anutujo kotozo motke, yemo ejine bijekka geakane zok wetke manmaike, no nei natnejo Asu zonom dereret ebonge, eao togole paki koso zinge more numa wawaine so borikine natne okan okanmami." ⁶ No wet menaj ea mo Anutujo nebon okanmaike, yemo manerop togogle, eajo nenze wawaine yuanka

okanmaike, ea wane Anutu wane Papiao iwa yale ramaike, “Anutu eje nej wawaine enane qesi qesij makok okanmaike, no ketkele yemo wet menan more ebon okanmaike.”

⁷ Ea wane nine wetnine maketpi paki Anutu wane bango gekei, paki Satan mapapkau, eje nine kakakjune biranjune ariake. ⁸ Nine Anutu wane osino sarikei, eso eje yaleka ban njinane osonjino sariake, no natne nine borikine mama metenine sauk wareu! Wetko nine ratokeu libe qekep, wet etkeka gemami nine kepe so qeli numa etke mogasikei me? Midakaka! ⁹ Qom borik okanbi paki arokeu denjine dokune ketkep, tenik njinejo maingeu aro okangep, batneka gegenjo maingeu wet borik okangep! ¹⁰ Waom wane kaitko wetnine ma pese ketkele geu, eje ban njibu wa biranjuniake.

Nei Kimaze Mane Turun Don Misuk Olasikene Ea wane Girem Don

¹¹ Kimakopne nine njidomka dere worik okan naguwi paki don borikine misuk aukei, nej mane eje kimainane detki boriki, turunjine dongo birakayake, eje Rara Togon Don wane detki boriki mapapkayake, no nine Rara Togon Don ma papkaikai, yemo nine Rara Togon don tewe tewek koso manerop mi geu paki turunjine ebo ebon nej okanikei. ¹² Anutu wekunjo Rara Togon Numa nebo nebon so Wano Wanok Nei gemaikene, eje wekukunjo maine nebu sese njoniake, so njengu matali njoniake, no nine ma nejjo kimaine turunjine bira kayake?

Wawaine Girem Don

¹³ Njine ketnjine more nanane don iwa detpi, njine iwa yale ra okanmami, “Ukude me qaeki njene ban mat suaine maneo ari koma weku yewa gekene, paki bisnis urata ma more wesi loutne marat kaikene.” ¹⁴ Njine qaeki gege daleo gekei, eamo mi detluk mami! Njine yemo kopu ewekine yale, wakongi paki mi azongi koso yemdaka toe mida lele arimaika. ¹⁵ Njine iwa yale, yemo maine rau menageake, “Waomno det noniakeo, yemo njene maine wisikaune genem paki ukude makene me ban njado makene.” ¹⁶ No siluj ukude yemo njine wawaine okanmami, so mawa nagumami, mawa nagumami korop eamo borimaika.

¹⁷ Eso yalinane nej mane ene masi tanik maine mane mi okangi paki ene mo detmaika ene sot korop okanmaika.

5

Nei Abonj Suaine Ejne Girem Don

¹ Eso iwa yemo nej abonjine suaine gemami, njine ketnjine more donne detpi! Wikile wakile kutjino wayake, yewao njine aroke denjine dokune kesiake! ² Abonjine korop eamo gotore mida lele ariake, so takot laplap magu suaine eamo kowalalak edo newareu mida leleake. ³ Njinane goli njine so silwa njine mo wenjenminejo zewareke, eso wenjemine zeke eajo, yeo ban njado kinejne mawakoniake, paki bikumjine gerejno zemaika, yale zewareake, njine naso qoi qoine ea bomileki abonj suaine ea maguke kutno kutno more wakoi. ⁴ Njine nejwa eunjino urata makoi,

eŋe lewine mi qoleongoi, dere worikene ea deton-
birap! Urata njino wele peike qeturage ge arokeu
eŋane aroeneŋo Anutu, Waom Zonom Welaine
eŋane ketino ketki detke. ⁵ Njine gegenjine kepeo
gekoi, yemo simile so batneka gege eaŋo qe-
watnjune pake, njine njidom njara loutne ne gemage
kakapa okangoi, osom berek yale njinguwi seukkei
wane naso njine mo bomilemai, ⁶ njine nei
koboboine dongo biraonbi paki enguwi seukko,
njine detpi, masi borikine makone, ea Anutu eŋe
mi njonge lelemai so turunze mi njeboniake, yale
detmami me?

*Wikile Kutne Bau Wawa Midaine Ge More
Waom Meŋenkaikene*

⁷ Kima kopne, bau wawa midaine Waom
tomaka gemageu lotkeake, njara eu mama nei
mane okanmai, njine nei ea kau, eŋe njara kine
kineine maine wakone maniakane bau wawaine
midaine kepeine bororom tomaka gemaike, eŋe
koya so kaiwe orodonka okanikeik wane boro-
rom toma gemaike. ⁸ Njine yaleka bau wawa
midaine gekei, paki wetnjine motpi weti wayake,
Waom sariakane kaiwe nasoine mo osop okan-
mai.

⁹ Kimakopne, njine njidomka dere worik okan-
naguwi paki njaba njaba misuk okangei, ea wane,
Anutuŋo baŋ kinejine misuk mawakoniake, kine
mawakon mawakon nei mo iwa osop, mo sari
sakesiakane ewekmai. ¹⁰ Kimakopne, propet
edo mokaka Waom wane pidon wane don rakoi
ea desikei, eŋe wikile wet borik korop so bau
wawa midaine dere gekoi eŋane kie tapot ea
mogare njine yaleka wikile so wet borik korop

bau wawa midaine dere gekei. ¹¹ Eje togole more wikile ea bau wawa midaine detkoi, ea wane eje wet pese enerop njene yale edoramaine, njine Hiope togole togoleinane mo det okanmami, so njado Waomņo kine kine qewatke mange, ea mo det okanmami, Waom eje qomine raraine so mauluk maulukine zok suaine pamaike.

Ratogole Ratogole Ea Wane Don

¹² Kimakopne, kine kine weku okane gekei, yemo iwa yale, njine kine kine mane wano more ratogole edane rara eamo misuk okanikei, qeliwo, me kepeo, me kine kine maneo mode more ratogole rara, eamo mi okanikei. Weku raikiei, yemo welekatnane eje, “welekatneka” raikiei, ņo mida wane eje, “midaka” raikiei, yale okangei, yemo baņ njado Anutuņo turuņine mainge mi njiboniake.

Nei Koboboine Mane Wane Meņe Meņen Yemo Zonomine Togogole

¹³ Njine keuo njino nej mane wet borik korop gemaike me? Eje Anutu meņenkayake Nei mane eje wetpeseko gemaike me? Eje bakom eņet kito more Anutu mawakayake. ¹⁴ Njinano njine nej mane zoma kamaike me? Eje doku tau tau magu eņane ņetne natne edoraki, sari eņane meņenkaikiei, so Waom wane eņetine ora more kelok solaino taukaikiei. ¹⁵ Meņe meņen iwa mali malip korop mamami, eaņo zoma nej ea ma menaņkayake, ņo Waomņo yemo ma wisikae kaki menageake, so borikine makeo, yemo Waomņo omakayake. ¹⁶ Ea wane njine njidomka borikine njine rapoke nej kimakop njine

eŋane kaitko qeliŋkaikai, so meŋe meŋeŋo qesi qesiŋ okanikei, yale okanbi paki baŋ menaŋgei, ŋei mainane meŋe meŋen yemo zonomine togogle, eaŋo zoma ŋei maine ma menaŋkayake. ¹⁷ Elaiya eŋe ŋei ŋene yale, eŋe koya mi qeakane meŋe meŋen urata togole mamageki kepo koya mi ketke, yaupka paki koma karewe so koma natparomine okange. ¹⁸ Eŋe koso manerop meŋenkake. Pakiso koso koya qeki kepeo kine kine menaŋge.

Numa Qeyaumami Ŋei Yewa Mainone Numao Biraongene

¹⁹ Naŋane kimakopne! Ŋinanonŋine ŋei mane eŋe don wele wane numa qeyaumaiko, yemo ŋei maneŋo koso mainka numao birakaki geake. ²⁰ Iwa desikei, ŋei mane eŋe borikine mama mane numaine qotkoino ŋine mainka numa maine birakayake, eŋe borikine mama ea oŋa oŋaine baŋ seu seu ŋine mainkayake, eŋe eaŋo borikine korop mataliki siuk wareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963